

# 北洋官報

目錄

宮門抄

交旨

奏請○護直督奏請獎各州縣辦學官紳摺△又奏請獎  
 學務公所及直轄各校各員摺△又奏請獎創辦學務  
 道員片△又奏請獎北洋大學堂監督等片  
 摺片十一則  
 公牘○督憲札一件△師範學堂詳一件△涿州稟一件  
 文告四則△畿輔六則△各省六則△各國十則  
 彙編○貴冑法政學堂續擬章程

本局第一百二十二期 法政學報 已出

## 宮門抄

十一月二十七日 民政部 都察院 正黃旗值日 朗貝勒謝授步軍統領 恩 希朗阿 馮國璋各  
 續假五日 掌禮司奏初一日祭 奉先殿朗貝勒行禮 召見軍機 都察院遞封奏二件

## 上諭

十一月二十七日內閣奉

上諭雲南永昌府知府員缺著耿葆燿補授欽此  
旨正白旗護軍統領印鑰著溥偉暫行佩帶欽此

## 交旨

十一月二十七日 軍機大臣欽奉

諭旨都察院奏酌擬互選詳細規則繕單呈覽一摺又奏舉行互選需用經費請飭部照數籌撥一片均著依議欽此

諭旨都察院代奏民政部主事王荃善等呈稱川鹽收票改官弊害甚大等語著該衙門議奏欽此  
諭旨都察院代奏候選訓導王元穉請將東漢趙岐援案從祀 文廟呈一件著禮部議奏欽此

# 奏議錄要

護理直隸總督崔奏各府直隸州各州縣官紳辦理學堂出力各員請獎摺

奏爲查明各府直隸州各州縣官紳辦理學堂出力請照章分別給獎恭摺具陳仰祈 聖鑒事竊惟辦理學務

固在地方官加意勸導以振起精神然非整頓得人收效亦復不易直隸轄境遼闊普及爲難經前督臣袁世凱恪

遵 諭旨督飭僚屬慎選紳董認真籌辦先從初等高等小學入手其中學師範及半日半夜女子工商實業

等學堂次第施行比年以來設立學堂約有九千二百餘處學生約在二十一萬餘名非該官紳等實力經營不能

有此成效據前署提學使盧靖提學使傅增湘先後詳稱查有前任宣化府知府花翎二品頂戴在任候補道調補

保定府知府王守堃等官紳二十一員請分別 奏獎前督臣楊士驥那桐端方均未覈辦移交前來奴才伏查奏

定學堂章程內載辦學人員每屆五年准援案擇尤保獎等語今該員紳王守堃等均屬始終勤奮勞怨不辭不無

微勞足錄若不照章量予獎勵何以助勞動而勸將來謹繕具清單恭呈 御覽合無仰懇 天恩俯准照擬

給獎出自 鴻施逾格除飭取該員等履歷清冊咨部外理合恭摺具 奏伏乞

皇上聖鑒訓示謹 奏宣統元年十一月二十二日奉 硃批該部議奏單併發欽此

謹將直隸各府直隸州各州縣官紳辦理學務出力各員擬請獎叙繕具清單恭呈 御覽 計開 前任宣化

府知府花翎二品頂戴在任候補道調補保定府知府王守堃前吳橋縣知縣候補道陳慶彬均請 賞給三代

二品 封典 前任遵化州河間府知府現任天津道齊耀琳前宣化縣知縣候補道謝愷均請加二品銜 軍

機處存記在任候補直隸州丁憂東鹿縣知縣張鳳臺請以知府用並加道員銜 前任霸州知州升補南路廳同

知錢錫霖請以知府歸候補班補用 前署順德府正定府知府候補知府李映庚前任建昌縣知縣候補知府洪

子祁均請加三品銜 前署井陘縣知縣丁綸恩請俟補缺後以直隸州用 前署甯津縣知縣直隸州用候補知

縣吳鍾英請俟歸直隸州後加運同銜 前唐縣知縣田鴻文前武邑縣知縣李綺青均請以直隸州用 前甯津縣總董州同銜廩貢生現充河間府中學堂監督王用先請以州同分省補用 遷安縣勸學總董廩貢生孟鶴齡大名府初級師範學堂監督增貢生武經筭均請以縣丞分省補用 南宮縣高等小學堂堂長揀選知縣齊福不請以知縣選用 天津中學堂監督候選州同廩貢生王用熊請以知州候選 平谷縣教諭候補訓導陳光瀚請以知縣分省補用 前霸州總董同知職銜候選縣丞崔炳請俟選缺後以知縣用 宣統元年十一月二十二日奉 硃批覽欽此

### 護理直隸總督崔奏學務公所及直轄學校出力各員請獎摺

奏為直隸學務公所及直轄學校在事出力各員請分別給獎恭摺仰祈 聖鑒事竊查直隸學務創辦最早自

光緒二十八年設學校司旋改為學務處嗣奉部章改為學務公所迭經奏咨有案開辦至今已閱八年當時徵集羣材分科治事於學章未頒之前即已酌擬規程次第興辦就省城天津兩處設立師範學堂高等學堂北洋大學堂高等農業工業暨專門法政等學堂一面分飭各屬籌設初等高等小學堂暨中學堂並廣立勸學宣講等所以開風氣擴充師範簡易科以裕師資旁及初等實業農商女子小學半日半夜等學堂以期教育逐漸普及比年以來蒸蒸日上共計學校至九千二百餘處學生至二十一萬四千餘名其間成績卓著者頗不乏人直隸地近 畿疆開化較早雖經前督臣袁世凱提倡於上亦由在事官紳勤奮從公不遺餘力故能有此成效若不量加獎勵殊不足以昭激勸據前署提學使盧靖詳請 奏獎前督臣楊士驤那桐端方均未及核辦奴才接查前卷復據提學使傅增湘續詳前來伏查奏定學堂章程內載辦學人員每屆五年准援案擇尤保獎等語今該員等辦理學務已歷多年未便沒其微勞自應按照年資援案辦理謹分別異常尋常擇尤保獎繕具清單恭呈 御覽合無仰懇

天恩俯准如擬給獎出自

鴻施逾格除將履歷清冊咨部外理合恭摺具陳伏乞

皇上聖鑒訓示謹 奏宣統元年十一月二十二日奉 硃批該部議奏單片併發欽此

謹將直隸學務公所及直轄學校在事出力各員擬請獎叙繕具清單恭呈 御覽 計開 總務科科長兼會計科科長准補安肅縣知縣曾傳謨請以直隸州知州在任歸候補班儘先補用並加知府銜 總務科科員拔貢

生楊廷秀請以知縣留省補用 總務科科員縣丞銜李毓琦請以縣丞不論雙單月卽選並加六品銜 圖書科科員舉人分省試用知州吳鼎昌請免補本班以直隸州知州補用 省視學候選知縣張良弼請免選本班以直隸州知州補用 實業科科員已革同知銜候補知縣陳培蘭請開復原銜 總務科副長附貢生通判職銜李金藻圖書科科員附貢生通判職銜吳燕來普通科科員增貢生通判職銜范延榮會計科科員監生通判職銜楊學書均請以通判儘先選用 省視學揀選知縣陳恩榮請以知縣儘先選用 以上十一員請照異常給獎 總務科科員揀選知縣陸繼周圖書科科員揀選知縣韓梯雲天津河間兩級師範學堂監督揀選知縣胡家祺天津模範兩等小學堂堂長揀選知縣劉寶慈保定模範兩等小學堂堂長揀選知縣劉續曾均請以知縣儘先選用 以上五員請照尋常給獎 宣統元年十一月二十二日奉 硃批覽欽此

又奏創辦學務補用道王景禧等請獎片

再查直隸自光緒二十八年設立學校司三十年改爲學務處其時風氣初開經營匪易端賴賢員以資助理查有前翰林院編修直隸補用道王景禧前翰林院庶吉士直隸補用道丁惟魯歷充該處參議總辦會辦等差精心學畫毅力推行旋分充大學堂高等學堂監督考察學務日本留學監督等差董率研求諸臻妥善實爲直隸創辦學務出色之員據提學使傅增湘詳請 奏獎前來奴才查該員等歷任學務資深勞著追溯椎輪之始允推筭路之功合無仰懇 天恩均賞加二品銜以勵奮勤而彰優渥除將該員等履歷咨部外理合附片具陳伏乞 聖鑒訓示謹 奏宣統元年十一月二十二日奉 硃批覽欽此

又奏北洋大學堂監督試用知府蔡儒楷等請獎片

再北洋大學堂監督花翎直隸試用知府蔡儒楷直隸師範學堂監督農工商部主事張鎮緒天津私立第一中學堂監督候選縣丞張壽春等三員任事已歷五年各班畢業學生多者數百人少亦數十人擘畫經營不辭勞瘁前提學使盧靖提學使傅增湘先後詳請 奏獎前督臣楊士驤那桐端方均未及核辦奴才到任接交該員等專辦學校年資既深成效卓著自應分別獎勵直隸試用知府蔡儒楷擬請以本班儘先遇缺卽補農工商部主事張鎮緒擬請免補主事以員外郎仍歸原部儘先補用候補縣丞張壽春擬請免補縣丞以知縣儘先補用合無仰懇

天恩俯准照擬給獎出自 鴻施逾格除該員等履歷咨部外理合附片具陳伏乞 聖鑒訓示謹 奏  
宣統元年十一月二十二日奉 硃批覽欽此

### 摺片摘要

陸軍部奏議覆貴州等省綠營武職補缺彙奏事單一件十一月二十五日奉

又彙奏湖北等省綠營武職補缺議駁事單一件同日奉

又片奏校閱陸軍第一第二鎮擬請暫緩辦理事同日奉

又片奏督理陸軍各項學堂差使勿庸另揀人員由部管理事同日奉

禮部奏議覆甘督奏已故大學士阿桂並伊孫附祀專祠列入祀典事同日奉

吉撫陳昭常奏撥荒安置赫哲旗丁請 賞給恩餉摺同日奉

又奏清賦完竣各屬銀地數目摺同日奉

陝撫恩壽奏陸軍學堂畢業請將管理等員照章給獎摺同日奉

又奏宏道高等學堂補習中學畢業照章請獎摺同日奉

又奏財政局釐稅收數增多出力人員請獎摺同日奉

又奏保道員張毅片同日奉

旨依議

旨依議

旨依議

旨依議

硃批該衙門議奏

硃批度支部知道單併發

硃批該部議奏單併發

硃批學部議奏單併發

硃批吏部詳核議奏單併發

硃批張毅著仍交軍機處存記

### 公牘錄要

督憲陳據天津銀號詳津浦鐵路股票公司商借銀號銀兩以鹽斤加價入股作抵訂期歸還  
擬訂合同請立案事札飭運司查照文

為札飭事案查接管卷內據天津銀號詳稱竊職號接直隸津浦鐵路股票公司來函現購濼礦股票商借職號行  
平銀三十五萬兩按月七釐認息指宣統二年全年鹽斤加價四分入鐵路股款約五十萬兩作抵儘宣統二年十  
二月以前分期歸還由蘆綱公所作保等因查該公司之設係因 前憲楊奏准鹽斤加價四文入津浦鐵路股分  
其股票歸商民各半惟鐵路局用款尚在十年以後是以直隸紳商立一公司專理鐵路股票之事加價之款係由

長蘆運司代收交存蘆綱公所以備該公司提用業經運司諭飭綱總遵照在案緣准前因職道等以如此鉅款必須查明指抵之項果屬妥實可靠方可議借因向張運司鎮芳詢問旋准覆稱此項指抵尙屬妥實惟查度支部議覆蘆鹽行銷直豫兩省加價四文案內有如果將來有碍銷路有虧課款即行奏明停止以重蘆綱等因雖該公司商借銀兩訂有期限歸償然數目甚多不得不格外慎重必由蘆綱公所總董作保擔還將來方有把握當由職號與該公司擬訂合同以資遵守除俟奉到批示即行遵辦外理合抄錄合同詳請憲台鑒核立案批示祇遵如蒙俯允即請飭知長蘆運司轉飭遵照實爲公便等情到前護督部堂移交到本督部堂准此除批來詳並抄錄合同均悉應准立案候行長蘆運司轉飭遵照此繳等因印發外合行札飭札到該司即便查照辦理此札

計粘抄合同一紙 直隸津浦鐵路商股公司天津銀號商訂借款合同 一直隸津浦鐵路商股公司向天津銀號借行平化寶銀三十五萬兩整按月七釐行息 二此項借款於宣統二年六月內歸還二十萬兩十二月內歸還十五萬兩還本時利息一併照付如有過萬巨款先期歸還利隨本減 三前督憲楊 奏准鹽斤加價四文提充直隸津浦路款計每年可得銀五十萬兩應即以宣統二年全年加價之款儘數作抵未經清還以前不得以此項入款指作他用原案抄粘於後以憑查閱 四借款到應還之期即由蘆綱公所在應交直隸津浦鐵路商股公司股款內撥還天津銀號以免周折 五此項合同由直隸津浦鐵路商股公司及天津銀號訂立並由蘆綱公所保證加蓋關防戳記以憑信守 六合同商訂後由天津銀號詳明 督憲並咨長蘆運台分別立案俟奉准後再行撥款即以撥款之日起息 七合同一樣兩紙天津銀號直隸津浦鐵路商股公司各執一紙存照 天津銀號總理協理 直隸津浦鐵路商股公司總理協理 見證人蘆綱公所總董 宣統元年十一月

北洋師範學堂詳舉行畢業式請蒞堂給發文憑文並批

爲詳請事竊查卑堂專修科畢業會蒙 憲台派員會同監試現自十月二十五日起至十一月初五日止業經分別考試完竣計文學教育科考試十四場歷史地理科考試十四場數學理化科考試十四場博物科考試十四場圖畫手工科考試十七場除俟各教員評定分數再行另案造冊詳報外現擬於十一月十六日舉行畢業式先期由卑堂赴 學部請領文憑至舉行畢業式日擬請 憲台於午前蒞臨卑堂發給文憑以示優異而昭鄭重再查



外洋學堂於畢業之時均開縱覽會一次蓋取互相觀摩之意卑堂現屆第一次畢業之時擬仿照辦理於本月十七日舉行縱覽會一次遍請紳商學界任意參觀以爲振興教育前途之計合併聲明所有卑堂舉行畢業式及縱覽會緣由除咨呈學司外理合詳請 憲台查核屆時貴臨施行

護督憲崔 批如詳辦理該堂十一月十六日舉行畢業式本護督部堂屆時臨堂頒發文憑仰提學司知照此繳

### 涿州林牧稟教練所開辦日期文

敬稟者竊奉 尹憲札飭催將籌辦巡警教練所情形無論已未設立限日切實稟報等因查卑州城鄉巡警原設一百三十九名曾經卑前州駱牧育焜於本年正月間議立教練所將創辦情形擬訂章程稟呈 憲鑒在案原議係在城內巡警總局附設教練所駱牧又因地勢狹隘改設南關保清寺旋經文牧玉到任因經費支絀停止嗣據城鄉各區警董聯名具稟以教練所另設一處需款甚鉅籌措不易請照原議附入城內巡警總局俾可節省經費稟經批准照辦文牧未及實行於八月間卸事良鄉縣惠令今年兼理卑州亦未開辦卑職回任接准移交伏思教練爲巡政之始基尤爲立憲之根本亟應調集教練以資深造而收實效當經傳集總分各局區警董議開辦該董等既以經費難於籌措爲詞並稱各區額設警數無多現值冬防吃緊均經派出梭巡一旦調集教練誠恐有曠巡防等語卑職以事關新政且係奉部飭辦之件未便置爲緩圖連日與各該董悉心研究先將教練經費力求撙節俾易籌措並由卑職每月捐給銀洋二十元以期敷用該董等雖各應允遵辦仍以調集有曠巡防爲慮卑職當復與之從長計議籌一變通辦法以期兩全擬將城鄉巡警分作甲乙丙丁四班每班以三十五人爲率先就各區現設巡警內挑選如額作爲甲班送所教練其餘仍留本區以資巡防凡到所教練者皆先習淺近警章操法以三個月爲修業速成之期發回各區實地練習再換乙班輪流入所調練雖核計一年之內各巡警僅能粗諳警章操法然此後循序而行仍可補習完全皆終成教練合格之人警務可望起色再三商酌所見僉同當經卑職督同各警董將總局原設講堂光線改良操場平治寬敞調集所選巡警於十月二十日開所教練即以總局巡官班聯魁兼充教員於該巡官原薪二十元之外酌增十元以資辦公其餘在局員司均盡義務兼管所內稽查收支等職事不另開支薪水除仍由卑職隨時督飭認真教練勿任日久生懈外所有卑州巡警教練所開辦日期情形理合並將

卑前州駱牧原擬試辦章程商酌核訂現行簡章造冊稟呈 大帥查核立案俯賜批示祇遵實爲公便肅稟恭請  
勛安伏乞 垂鑒 (簡章已錄)

護督憲崔 批稟冊均悉仰警務處轉飭該州督同教員認真訓練勿稍懈弛以重警政並飭候 府尹批示繳

### 文告錄要

督憲告示○爲出示曉諭事照得前經 農工商部奏定礦務新章各省礦產凡有商民開辦無論何礦均應由礦

政調查局或地方官查明礦商呈交照費發給執照方可採辦開採以後亦無論何礦均應由礦務委員照章徵收稅釐等因業經行令各州縣一體出示曉諭在案第以礦產有大小之別資本有多寡之分其柴煤小礦若照大礦一律按照新章令繳照費銀數較鉅深恐民力未逮故將此項礦產派員詳細調查無論新舊各礦均發憑照分別等第減收照費已屬格外體恤各屬均已次第遵辦乃懷來縣屬有窰戶聚衆抗不領照交稅情事殊屬藐玩前已嚴飭宣化鎮暨該管地方官會同營汛嚴緝首犯郭珍等務獲從嚴懲辦以昭炯戒但恐各窰戶難免不爲外來奸民勾結受其愚蔽本部堂不忍不教而誅合行出示曉諭如有誤從人犯自知悔改姑准從寬免究概不株連自示之後倘敢再有聚衆違抗阻撓情事定即按章從重懲治決不寬貸要知煤稅係屬正款照費同載部章二者均應輸納所有該兩縣境內煤窰如已領照採煤自應一律遵章交稅其有未經領照者應仍聽候委員查明給照收費並由地方官隨時妥爲保護以期各安生業爲此示仰各窰戶人等一體凜遵勿違特示督憲批示錄要○糧餉局詳解 陸軍部核准公債項下購買馬騾報銷六釐銷費由 批詳悉如詳繕給咨文一角解批一張隨批併發仰即轉給承領前赴 陸軍部交納繳

直隸警務處批示○唐山縣村正賈文翰稟劉俊章賄串門政一案 批張百魁控爾私賣洋煙如果所告不實當時何以情甘認罰了事顯係自知情虛已可概見迨後劉占魁向爾討要錢文牽去牲口既稱赴縣三次控訴均被門政馮允生等受賄私壓究竟有何證據何人過付未據明白聲叙情詞支離殊難憑信候行唐山縣查明訊斷具報爾即回縣投質毋得在省逗遛此批

天津工程總局批示○劉富貴宋永年王恩璧等稟 批據稟已悉查本局修築暗溝原爲洩水起見茲該商等擬



請開通溝眼應即准行此批

## 畿輔近事

官場紀要○督憲准於今日親蒞公園出品協會觀覽闔津司道府縣暨各局所官員並紳商學界均往陪觀○升授甘藩何方伯彥昇於二十五日由津晉京擬即日回省交卸臬篆○升署臬台天津道齊廉訪耀琳於二十六日由津赴省定期接篆○署天津道洪觀察恩廣奉委兼南段巡警總局總辦已於前日到局視事

彙紀外人游歷事○督憲准外務部咨美人鄧樂播赴直隸游歷又據津海關道呈瑞典教士胡林德夫婦赴直隸河南山西陝西湖北等省游歷又英女教師德愛特赴直隸奉天吉林黑龍江山東蒙古游歷又日商木梨幹赴直隸山東山西河南東三省游歷又英商邇文赴直隸游歷各等情除分咨外已札飭所屬照章保護矣

天津縣議事會議覆說帖○杜長泰說帖爲下情困苦懇請代爲上達以伸冤抑而保性命事 議覆說帖閱悉候向高等審判廳質問見覆再爲核議此覆 金寶信說帖爲陶氏請旌事 議覆說帖閱悉此案已據董事會報告該氏本身實於名節無虧本會未便干預此覆 商人宋壽恒說帖爲請移知巡警總局查斷前後門雜居住房以防拐騙而安商業事 議覆說帖閱悉候議定辦法移請巡警局核辦此覆 鹽坨商民靳長春說帖爲懇恩補助學費以資教育而免失學事 議覆說帖閱悉已於劉紳家麟說帖內議覆矣此覆 辛春培說帖爲河北火警火巡救護不力懇請嚴加調查以儆將來事 議覆說帖閱悉候據情移請巡警局行知消防隊務須嚴禁此弊此覆

天津議事會致蔡家台各村正副函○敬啓者前接說帖以前津浦鐵路總辦李德順之婿永祺勒買民地曾否過割等情懇請質問前來當即據情函詢北段總局在案茲接函覆內稱查敝局購地定章向由購地局經辦自必有案可稽惟必須指明地戶姓名及坐落何處是否爲鐵路軌綫所經之地方可確切調查應請速飭該村正等將此項地畝花戶開具詳實清單即祈見示以便移會購地局澈查詳覆等因准此茲據前因即希貴村正副照前項所指花名詳細列單交會以便轉呈核辦是爲至要專此肅布順請公安并希鑒察不備

議事會通常會將次滿期○天津縣議事會於二十三日下午四鐘復行開會全體議員到者十一人是日因通常

會將屆期滿當將由前月二十四日開始所議各事由書記錄出逐日宣讀末復提議議員劉光錫請補助創立  
意見學堂經費一案若何議覆尙未決定

直隸出品協會瑣記○出品協會說明書一事迭經調查各員陸續送會並由曹科長飭知度設各店立一細冊以  
備檢查入手現已函促檢查各員即日辦理查此事係曹科長一手經理如此迅速於調查一部組織完備檢查  
時容易多多矣又查二十四日展覽會計收入場券七千一百二十紙二十五日計收五千六百七十四紙二十  
六日收女賓入場券二萬四千七百五十二紙

## 各省近事

財政

知照會議冬漕糧價○蘇省冬漕今屆已定在無錫設局辦理由火車運京應設滬局將次開辦上海縣田大令特  
知照米業董事以冬漕開兌在即所需糙米白糧節即議價籌派購辦等情日前由該業司年司月邀同各行執  
事會議聞其價值約在五元之外云

函請各局派員會議財政○粵藩沈方伯在署設統一財政處業已開議特致函各局處所請派熟悉款目員友到  
署會議通省歲入歲出數目籌商辦法略謂現奉督憲札准 度支部電咨飭查光緒三十四年通省歲入歲出  
數目等因當經移請查覆在案惟限期既極迫促款目尤屬紛繁查報數目必須與清理財政局報告相符方可  
免干駁詰誠恐各局辦法稍有參差似當先期籌商妥爲議定以免歧異而期迅速爰定十月二十八日十點鐘  
在敝署會議特此函達台端屆時擬請貴處熟悉款目員友蒞此會商是所切禱

民事

修葺馬路橋梁竣工○蘇垣閩胥門外一帶馬路橋梁前因年久失修損折堪虞經工程局委員郝爾泰通守稟明  
省憲先將胥門馬路小日暉橋起至盤門甘棠橋止大小各洋橋次第修葺由局招匠投標包造開工至今已逾  
兩月現已一律完竣經郝通守詳請關道惠觀察巡警總辦汪觀察遴委李曜墀大令前往驗收工程以昭核實  
鄂紳籌措移民實邊經費○鄂省本年被水州縣二十餘處飢民有三百餘萬之多當道前擬擇其少壯素無田產

者移送黑龍江一帶開墾已經備具議案交由諮議局議准照辦惟每名川資用費約需七八十元此項經費爲數不貲現由鄂籍京官與省城憲政籌備會諸紳籌畫再三特組織湖北公辦黑龍江農業移民股份公司俟股款招有成數卽請督院飭由各災區選送以實行殖民政策

### 實業

籌畫振興柞蠶款項○浙江勸業道董季友觀察爲提倡飼育柞蠶起見曾於九月間派范煜泰赴東三省採購蠶繭並訂雇蠶繅各工於十月十八日領運回浙以便陸續由各屬備文給領惟此項川資運費繭價及工人安家等費共去洋四百十餘元茲擬飭訂雇工人將蠶繭育子後給發種子較易養育而便具領並酌留蠶種擬卽在前農工商礦局原購農事試驗場地畝改爲柞蠶飼育場試養柞蠶以爲杭地居民開通風氣云

組織普利種植畜牧公司○廣西平南葉大令具稟撫院云足民之道端在利用厚生樹藝畜牧富強之本平南地大物博北河一帶荒山曠嶺尤多祇以樹畜未能切實講求棄利於地未免可惜知縣本年奉飭清鄉周歷各里目觀情形經集士紳再三勸導旋據職紳戴可瞻盧瓊恩盧耀榮等聯名稟稱查有縣屬路三里雞心峽等處及毘連川一里之黃山尾一帶山嶺縱約十五里橫約三里多屬官荒聯合同志組織普利公司已集股本四千元擬再招股四千元共八千元在前處官荒種植松杉桂竹及畜牧各實業凡屬民荒在官荒界內者或願領價銀或願認股均聽其自便附章程草圖懇請立案保護等情前來知縣當卽帶同該紳等馳往該處詳細履勘官荒里數相符土亦肥沃前經摘要電稟在案伏思林業之利爲實業一大端東西各國皆極力經營故其國有特布森林法律特設森林警察防之至密而護之至周我國古無林業之稱然山虞林衡載在周禮考其職掌稽其禁令揆之各國大略同焉廣西土曠山荒無人過問無他民窮而情不知種植爲何事地有餘利殊爲可惜近年節奉憲台諄諄示諭極力提倡保護獎勵無不周備風聲所樹而人稍識森林之利益矣令該紳等集股組織公司稟請承領官荒山場從事種植畜牧收牧其簡章大致尙妥亟應照准仍當隨時督飭研究以期發達仰副憲台提倡森林實業至意當奉批云戴可瞻等集股組織普利公司承領縣屬路三里雞心峽等處及毗連川一里之黃山尾一帶山場縱約十五里橫約三里種植松杉桂竹舉辦各項畜牧具見講求實業殊堪嘉尙察核摺開章程大致明洽應准如稟立案仰農商局卽督飭該紳等認真辦理期收實效並飭隨時妥爲保護

## 各國新聞

英報論中國國債○路透電云英京太晤士報據駐上海訪員報告情形著作中國國債論謂外國借債於中國須專倚賴中國秉政之人并由政府償還現中政府對於所行之政策須格外用力將內政辦理妥善并設法補救財政之困難云

俄外交員之撤任○路透電云英京太晤士報駐俄京訪員報告俄政府因駐遠東外交長官布蘭堪氏證明日本有預備攻擊俄國之事特將布蘭堪氏撤任以爲妄言者戒

美首相提倡萬國裁判所○路透電云據美京電稱美首相兼外部大臣克納斯氏現致書於入海牙和平會各國提倡添設高等裁判所并訂協約如各國有交涉問題由該裁判所判斷英法德三國均擬贊成此所添設後於實行萬國裁判問題大有裨益

考查海軍大臣會晤德相○路透電云中國考查海軍大臣洵貝勒於一月六號早拜晤德首相是日晚德海軍大臣設筵款待

考查海軍大臣參觀船廠○柏林電云中國考查海軍大臣在德國司泰丁地方參觀烏洛堪船廠  
英國選舉之餘談○路透電云英國魯斯伯利伯爵致書於選舉員請於投票時選舉聯政黨員並自謂此舉不避嫌疑以行其心之所安而已

德親王在俄小住○柏林電云德國亨利親王於耶穌生日在俄國薩克智塞洛地方居住(送俄大公爵之葬)  
英西兩君定期會晤○柏林電云英皇與西班牙王定於西二月在比利德司地方相會

法首相定期赴美○柏林電云法首相克利曼塞氏定於夏日前赴南美  
美總統維持棉麥業○倫敦電云紐約消息美總統戴夫德氏擬致書國會請訂立表式禁止棉麥兩商買空賣空之弊

美艦舉行進水式○紐約電云美國仿英國戰艦德瑞納提號式建造之大戰艦烏達號在堪敦地方舉行進水典禮聞美政府大臣陪觀者甚多頗極一時之盛

第十五條 聽講班所授法政各學科及每星期授業時刻列表如左

第一學年 學科(每星期鐘點) 中國法制史(二) 法學通論(三) 憲法(三) 行政法(二) 刑法(二)

(二) 民法(四) 商法(二) 國際公法(二) 國際私法(二) 政治學(二) 合計(二十四)

第二學年 學科(每星期鐘點) 行政法(二) 刑法(三) 民法(三) 商法(三) 國際公法(二) 外交史(二) 理財學(三) 財政學(三) 民事訴訟法(二) 刑事訴訟法(二) 合計(二十四)

第三章 考試及獎勵

第十六條 每學期及學年之終由教員分門考試一次

第十七條 正科習普通二年豫備科習普通二年聽講班滿三年均由總理監督率職員考試一次發給修業

文憑

第十八條 各科畢業時由本學堂總理監督會同 學部堂官督率職員考試一次發給畢業文憑

第十九條 各科評定考試分數均酌照 學部奏定章程辦理

第二十條 正科簡易科畢業考列最優等中者除發給文憑外並由本學堂會同 學部分別等次開單

奏請帶領引 見請 旨分別獎勵其豫備科及聽講班畢業者但分別發給文憑不請獎勵

第二十一條 正科簡易科畢業考列優等以上者應由本學堂開單請 旨派往東西洋各國遊歷其聽講班

考列最優等者亦可選擇奏派

第四章 停封及襲封

第二十二條 宗室王以下奉恩將軍以上及其子弟由宗人府查明應入學而不入學者如已襲封罰停半俸兩

年未經襲封停其襲封一年仍勒令入學每屆查取新班學員時均由宗人府照章奏辦咨行本學堂存案

第二十三條 宗室王以下奉恩將軍以上及其子弟入學後故犯規條以致開除學額及無故自行告退者如已

襲封罰停半俸兩年未經襲封停其襲封一年如所犯情節較重另行奏明請 旨均由本學堂會同宗人府

具奏其他項學員均按照 學部定章辦理



第二十四條 宗室王以下奉恩將軍以上及其子弟得有修業文憑者由本學堂咨行宗人府查照應考封襲封者即准照例考封襲封

第二十五條 宗室王以下至奉恩將軍之子弟畢業考列正科中等以上及簡易科優等以上應封人員未經考封者由本學堂會同宗人府具奏請 旨無庸入考即准受封應得畢業獎勵仍照定章辦理

第五章 職任

第二十六條 本學堂設管理員及教員如左

總理一員 監督二員 提調一員 教員十九員 監學官二員 書記官一員 會計官一員 庶務官一員 管課官一員

第二十七條 以上各員除總理監督應由 簡派外其提調以次各員由總理監督分別奏咨委用

第二十八條 總理監督綜核全堂一切事務統轄提調以次各員其學員平日品行學業勤惰均歸考核

第二十九條 提調協同以次各員經理全堂事務妥訂本堂詳細規則訂定課程及稽核教習教法學生勤惰等事

第三十條 提調管理本堂齋務庶務凡監學書記會計庶務等官均歸管轄

第三十一條 教員各任教授各種學科擬訂課程酌定教法等事

第三十二條 監學官專管稽查學生起居動作檢視平日品行隨時報告並照料飲食注意衛生等事

第三十三條 書記官專理本堂收發文書編存案卷並繕寫登記等事並管圖書教育品標本收發存儲一切事務

第三十四條 會計官專掌本學堂經費出入及核算賬目等事

第三十五條 庶務官專司本學堂廚務人役房屋器具等一切雜事

第三十六條 管課官專掌分放課卷印刷講義及有關講堂授課一切事務

# 操勞過度

廣東某未老先衰服韋廉士大醫生紅色補丸而得身強力健  
 羅君耀堂因平素操勞過度以致身體衰頹不堪猶如天下無數未老先衰之人於少年時勞力勞心不知節制及至中年腦疾心病以及他症叢雜而生乃顯其年未老邁身已衰弱之景象矣今則身力復原自覺宛如少年是皆賴韋廉士大醫生紅色補丸之奇功也羅君現年五十八歲以寫玻璃磁器花卉為業居於廣東之河南福仁里嘗有客造其虛得聆其患病獲愈之情形歷述如左云○余於四年前先患心痛繼則痛而日跳日益加劇必待痛減跳止方可作事因病勢如是之重乃商諸中西醫士僉云讀書作事過勞之故以致身體腦筋未老先衰爰服三月非徒無益且更加重甚至偃臥床榻病莫能興當此無聊之時偶閱廣東新聞紙載有韋廉士大醫生紅色補丸所



廣東羅君耀堂服韋廉士大醫生紅色補丸而得身力復原

治愈之奇症並承泰安大藥房主人勸余亦服是丸余遂托友購至數瓶乃一服韋廉士大醫生補丸之後便覺稍愈於是接連服之則見精力日增病體全愈矣今者心力逾恒而無跳痛之苦智力復原而得腦清之益全體氣充神足無異曩時余謂韋廉士大醫生紅色補丸誠可稱為天下之神丸也蓋余自服此丸之後不啻年輕十載大獲回生之益願貴局將余證書登諸報牘以告同病者韋廉士大醫生紅色補丸使羅君耀堂有稠之新血以增補其心力腦力使身體各部皆得復原以至康健之地此丸常如此法連行血中曾醫治無數之血薄氣衰諸虛百損少全斷喪陽萎不舉胃弱不化肝經各病背

骨疼痛 山林瘴氣 頭痛頭暈 風溼骨痛 腰背疼痛 腎虧痠痛 左癱右瘓 腳氣衝心 跳舞瘋病 筋系刺痛 胸膈疼痛 乾涇癬癩 瘡疥疔疹 皮膚諸症 又為醫治少壯婦女經水不調經來腹痛血虧體弱 各症之聖藥也 韋廉士大醫生紅色補丸各處商店藥局凡經售西藥之處均有出售或直向上海九江路B字第八號韋廉士醫生藥局中國總發行處或向四川重慶白象街分局購買亦可價銀每六瓶大洋八元每一瓶大洋一元五角遠近郵費一律不取

謹告購藥諸君請細認能療疾病者係真正韋廉士大醫生紅色補丸固非若市上所售影戲漁利之紅衣紅血等丸也謹防假冒勿為所欺

## 上海九江路B字第八號韋廉士醫生藥局啟

商務印書館出版各書上海總發行所 分館發售

欽定大清會典事例全書 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖書悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版 陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初堯無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

# 謹將濟生等社籌辦宣統元年賑冬捐助各款第一次報告

賑撫局憲撥助棉衣褲一千二百套 廣仁堂協助棉衣褲四百六十件 劉清泉君代交件松堂劉助洋三十元  
天興德金珠店助洋四十元 劉渭川助洋十元 益德裕津總店助洋五元 孫鴻賓助洋五元 趙承恩助洋五元 劉孟揚助洋五元 姚光祖助洋五元 郭登淮助洋五元 宋保熊助洋五元 姚金鏞助洋五元  
沙河縣總店助洋四元 晉州總店助洋四元 甯晉總店助洋四元 冀州緝私分局正辦耳少亭助洋四元  
劉清泉助洋三元 竹農氏助洋五元 元善氏助洋三元 陸氏助洋二元 姜德貴助洋三元 李培藻助洋三元  
元 劉光錫助洋三元 蕭仰孫助洋二元 戴敏生助洋二元 蘇式燕助洋二元 郭清岩助洋二元 李星階助二元 紀聘臣助洋二元 陳子甘助洋二元 宋彩南助洋二元 姜輔周助二元 姜薩齋助洋二元  
李蓉孫助洋二元 高輔臣助洋二元 楊少屏助洋二元 甯存怒助洋二元 季長泰助洋二元 許權助洋二元  
宋起發助洋二元 溫世霖助洋二元 陸濱助洋二元 劉育仁助洋一元 李潤生助洋一元 蘇柏青助洋一元 王仲揚助洋一元 徐幼泉助洋一元 王吟川助洋一元 邱作山助洋一元 樊兆鵬助洋一元 李宗政助洋一元 趙椿齡助洋一元 路坦溪助洋一元 孔雨生助洋一元 宋燦助洋一元 袁崇善助洋一元 張召棠助洋一元 宋耀助洋五元 范從周助洋一元 周景頤助洋一元 魏靜波助洋五角  
張維清助洋五角 杜筱亭助洋五角 王蔭棠助洋五角 丁公館助銅子一千文 陳姓助銅子一千文 姜品清助洋二元 以上共收棉衣褲一千二百套又棉褲四百六十件洋二百二十元又小洋二十角銅子二千文

# 新 廠 告 廣 司 公 限 有 灰 洋



啓者本公司係承唐山洋灰公司老廠另購外洋最新式機器旋窯等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千二百零九號

## 利 文 洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啓

## 瑞 林 祥 元 記

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

# 武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器珠藍 奇巧美術玩器 學界文房用品 旋行携帶等件 精工變身物料 定織各色蓆氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓



# 張家口撫民府長慶續勸募賑捐銜名列後

張家口撫民府長慶五十元 又代募保正行五十兩 公義合棧五十元 何煥文五十元 永盛德二十元  
義成京十元 德和義五元 公合慶五元 天德貞五元 興和泰五元 興源玉五元 巨貞和三元 恒興  
公五元 永盛和二十元 義聚公十元 聚豐源五元 同聚興十元 德裕興二元 義盛魁三元 祥發源  
二元 瑞興源三元 大亨德二元 隆興和十元 隆茂號十元 東富有三元 天聚興三元 恆隆光十  
兩成記毛莊二十元 合盛德十兩 西天聚德十元 大豐興十元 德豐興七元 萬隆永五元 福興永三  
元 大德豐十元 永慶義三兩 恒和昌三元 復和隆三元 福來號二十元 大興玉二十元 天順成十  
元 義昌恒五元 德興永三元 永茂公二元 天盛成二元 謙和成二元 天德明二元 廣聚豐十元  
無名氏五元 東永瑞四元 同和義三元 元亨成二元 合盛元八元 共計江平銀七十三兩洋元四百七  
十元換江平銀三百零七兩三錢八分 兩宗共計江平銀三百八十兩零三錢八分換天津公砵平銀三百九  
五兩一錢八分 棗強縣右堂王裕堂二元 河間縣正堂李秉和二十元 張家口撫民府長慶續募江錢平銀  
一百九十三兩六錢五分換天津公砵平銀二百零一兩一錢八分捐戶姓名尙未寄到俟接到後再行按名登記  
合併聲明 全摺共收洋元二百六十元除前次交過一百四十八元 淨應交洋一百一十二元 又收天津公  
砵平銀三百九十五兩一錢八分續收天津公砵平銀二百零一兩一錢八分二共收天津公砵平銀五百九十六  
兩三錢六分 又錄匯康元銀號四元 彙恒同銀號四元 益興恒銀號五元 裕源長銀號五元 瑞生祥寶  
號四元 合盛元票莊六元 復新永記二元

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

## 京奉鐵路緊要廣告

本局現奉 郵傳部鐵路總局札飭凡非部章指定人員及奉有部示者不得發給長期免票以示限制本局遵於本年十一月二十日為實行之期所有各處長期免票分別停發昔日發出之票亦均作廢謹此廣告俾衆周知

## 李茂林新接各報廣告

閱報諸君賜顧者本埠風雨無阻 外埠原班回件空函概不奉覆所售之報列後 天津代派北洋官報 法政學報並代售官報局各種書報 兼大公報 日報 商報 民興報 中國報 忠言報 實報 時聞報 中國萃報 醒華日報 醒華三日報 古今畫萃報 暨北京政治官報 北京日報 順天時報 愛國報 華制存攷 京話實報 京都日報 東三省日報 新銘畫報 淺說日日新聞畫報 通報 井上海時報 時事報 中外日報 新聞報 神州日報 申報 圖畫日報 民呼日報 及東方雜誌 國粹學報 外交報 國粹叢編以上之報均一代售 (電話二百八十三號)

天津鄉祠南北洋官報代派處李茂林